

DISPUTATIO MEDICA

INAUGURALIS

DE

H E P A T I T I D E;

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, SS. T.P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI Consensu, et

Nobilissime FACULTATIS MEDICÆ Decreto;

PRO

GRADU DOCTORIS,

SUMMISQUE IN MEDICINA HONORIBUS AC PRIVILEGIIS


RITE ET LEGITIME CONSEQUENDIS;

ERUDITORUM EXAMINI SUBJICIT

GAROLUS FYFE, A. M.

BRITANNUS:

Ad diem 24. Junii, horâ locoque solitis.



EDINBURGI:

EXCUDEBANT ADAMUS NEILL ET SOCII.

— — —
M DCCCI.

I VIRO CELEBERRIMO,

JACOBO GREGORY, M. D.

MEDICINÆ PRACTICÆ IN ACADEMIA EDINBURGENA

PROFESSORI,

MEDICO REGIO IN SCOTIA PRIMARIO,

SOC. REG. EDIN. ET COLL. REG. MED. EDIN. SOCIO,

&c &c. &c.

SCIENTIA ET VIRTUTE OMNIGENA

ORNATO;

FAMA CUJUS BENEVOLENTIÆ ET HUMANITATIS,

NON SOLUM DOMI NITET,

SED AURES MEAS IN EXTREMIS ORIS

HAUD RARO PETIVIT;

OB

INNUMERA BENEFICIA

IN ME COLLATA,

HOC OPUSCULUM,

ANIMI IN PERPETUUM GRATI

PEREXILE PIGNUS,

SACRUM VOLO,

CAROLUS FYFE.

ITEMQUE,

VIRO OPTIMO, BENEVOLO,

GULIELMO CREECH, ARMIGERO,

SOCIET. REG. EDIN. SOCIO, &c.

PROPTER EJUS

IN ARTIBUS INGENUIS ET SCIENTIIS,

DELECTATIONEM ET PERITIAM;

MORES SUAVISSIMOS,

PROBITATEM INSIGNEM;

DENIQUE,

OB

AMICITIAM, OMNI TEMPORE,

MIHI PRÆBITAM,

HOC

OBSERVANTIÆ ET AMORIS

TESTIMONIUM

OFFERO.

Digitized by the Internet Archive
in 2020 with funding from
Wellcome Library

DISSE

DISSERTATIO MEDICA

INAUGURALIS,

QUÆDAM

DE

HEPATITIDE

COMPLECTENS.

MORBI inflammatorii ferè omnes, terris
in frigidis, et quibus cœlum valdè mu-
tabile, præcipue, graffantur; quippe frigus
et ad hujusmodi malis proclivitatem vel dia-
thesin phlogisticam gignendam, vi suâ robo-
rante, pollet, et tanquam causa excitans po-
tentissima in dispositos agit.

A

Morbus,

DISSERTATIO MEDICA

Morbus, autem, de quo, quām brevissimè, hoc in tentamine differere, in animo est, hāc re cæteris suæ ordinis discrepat; quippe qui, multò frequentior est in regionibus calidis Indiæ utriusque, quām in temperatis aut frigidis Europæ, quamvis in his etiam nonnunquam observetur.

Hic morbus in duas species, ACUTAM, nempe, et CHRONICAM distinguitur; quæ, licet sæpe altera in alteram transeat, rectè segregatæ videntur, quia in iis non solùm variant symptomata, quin etiam medendi ratio.

Ad formam acutam, utpote sæpius auxilium medici poscentem, præ altera hīc fanium attendo; et postquam morbum acutum perbreviter descripsero, ad chronicam advertam.

DEFI-

DEFINITIO.

" PYREXIA; hypochondrii dextri tensio et
" dolor, saepe pungens pleuritici instar, sae-
" pius obtusus; dolor ad claviculam et sum-
" mum humeri dextri; decubitus in finis-
" trum latus difficilis; dyspnœa; tussis sic-
" ca; vomitus; singultus *."

Variant symptomata hepatitidis acutæ pro parte jecinoris affecta, et prout inflammatio ad alia viscera serpat, vel alii morbi cum ea conjuncti fuerint.

Historiam hujus morbi scribenti, tales va-
rietates secernere non semper facilè erit;
quandocunque autem distinctio utilis videbi-
tur,

* CULLEN. Nosol. Method. vol. ii.

DISSERTATIO MEDICA

tur, eam, quām maximē potuero, indicare conabor.

Hic, ut alii morbi febriles, ferè præceditur sensu frigoris et horroris, molestiâ generali, languore, anxietate; quibus superveniunt calor auctus, cutis arida, fitis, pulsus arteriarum naturali frequentiores, plerumque etiam fortiores ac duriores, inquies, viriumque prostratio insignis. Tunc in regione hepatis, sentiuntur tensio, ardor, ponderis sensus et doloris, aliquando itidem tumor manifestus. Dolor pro parte affecta plūs minūs auctus; videtur enim substantia parenchymatosa sensu parūm acutō prædita; inflammatio autem peritonæi hepar vestientis, acerrimum dolorem affert. Quæcunque verò pars torqueatur, multò acerbior redditur dolor, dextro hypochondrio presso, decubitu in latus sinistrum, cibo assumpto, musculorum abdominis motu, inspiratione, et magis adhuc tussi.

Dolor

Dolor spiritum difficultem reddit; tussis importuna, sicca plerumque, aliquando humida, et haud raro singultus, urgent. Dolor ab ægris dicitur ad claviculam usque et summum humeri dextri pervenire; sæpe quidem totum latus dextrum, costas nothas præcipue, mammam, brachium, interdum etiam crus et pedem afficit.

Hæc signa maximè notabilia sunt, inflammatæ parte jecinoris convexa. Inflammata verò parte ipsius concava, alia potius observantur signa; dolor, scilicet, obtusior, anxietas, anorexia, nausea, vomitus sæpe biliosus, cardialgia, interdum color flavus cutis, alvus astricta, lingua nigra et scabra. In aliis autem exemplis cholera vel diarrhœa fiunt. Urina plerumque est crassa, solito parcior, rubicunda ac turbida. Sanguis e venis detractus, ob colorem felleum cum cruore purpureo mixtum, subviridis appetet: at citò evanescit hæc viriditas,

viriditas, sanguisque tunc pelliculam tenacem
flavam ostendit.

Omnibus in casibus ubi species icteri abest,
pallor languidus vel plumbeus ora inficit; et
ab exercitatione lenissima sudor de corpore
manat.

HEPATITIS CHRONICA.—Signa quibus pri-
mò se se monstrat, sunt ferè eadem quæ pra-
vam concoctionem comitantur; inflatio, sci-
licet, et molesta plenitudo ventriculi, post ci-
bum, ructus acidi; appetitus sæpe imminu-
tus, nonnunquam verò nimius; adfunt quo-
que molestia generalis et laffitudo; animus
ferè languidus, meticulosus, mœstus et tristis
fit. Pulsus, morbo adhuc recente, parùm a
naturali mutatus; nisi aliquando solito debi-
lior, minor ac tardior. Vultus pallet; oculi
hebescunt. Respiratio difficilis, et tussis sicca
vel rauca, sæpe observantur. In hypochon-
drio dextro gravitas quædam distentioque in-
cidit;

cidit; tunc dolor obtusus sentitur, præsertim si premitur, qui dolor, uti in morbo acuto, ad summum humeri tendit. Decubitus in utrumvis latus, at in sinistrum magis, ægro gravis est; et hanc ob causam impeditur seu turbatur nocturna quies, terrentque insomnia dira. Alvis sæpe diu astricta est; tandem autem soluta evadit; et supervenit alvi profluvium colliquativum.

In ultimis gradibus, ægrotus febrè hecticâ corripitur, signa ferè eadem exhibente ac phthisi pulmonali; at lingua plerumque sicca est et sordida. Gingivæ pallidæ ac duræ, adeò ut ægrè hydrargyro afficiantur. Urina redditur parca, rubra; cutis durescit atque constringitur. Vires quotidiè magis deficiunt, corpus contabescit, et denique ipsa debilitas ægrum extinguit.

In quibusdam exemplis, obstructio hepatis asciten lethalem fert.

FINES.

FINES.

RESOLUTIO, terminus optandus, interdum sponte contingit, præcedente vel comitante exinanitione aliquâ notabili, uti sudoris, urinæ coloratæ turbidæ, sanguinis per nares aut anum, bilis demùm vel surfùm vel deorsùm. Verisimile videtur excretionem muci hunc eventum nunquam comitari, nisi inflammatio pulmonis quoque adfuerit, eodem tempore soluta. Efflorescentia cutis, a quibusdam auctoribus inter signa resolutionis, memorata, a sudore ipso pendere videtur.

Eventus autem valdè frequens et periculofus est suppuratio, quæ semper metuenda, ubi, quamvis dolor remiserit, sensus ponderis ingratus in regione jecoris persistit, decubitusque in latere sinistro permanet molestus, præfertim

fertim si dolor increscit, stipantibus horrore aliisque pyrexiae signis. Facto pure, dolor quidem minuitur; at æger longè imbecillior fit, quod pulsus frequentes, parvi, debiles, animique defectio crebra, planè testantur. Aliquando abscessus permagnus citè formatur, et pro sede ipsius varia, per diversas vias pus expellitur. Modò in ductus bilem efferentes, viam invenit aut facit, ex quibus in intestinum transit, et cum fæcibus alvi ejicitur: Modò adhæsionibus ad vetriculum sive duodenum factis, in hæc viscera fertur, et per alvum defluit vel vomitione egeritur. Interdum, exeso septo transverso, atque in pulmones ruente, subitè miserum extinguit: sunt autem exempla prodita perpaucorum, qui pure in pulmonem effuso et excrato convaluerunt; sed rarissimè sic affectis, eventum tam felicem sperare licet. Nonnunquam etiam abscessu rupto, in cavum abdominis funditur pus, quod brevi lethale fit. Si autem absces-

10 DISSERTATIO MEDICA

fus in facie hepatis convexa habeat, pus sæpe, peritonæo ac musculis et cute exefis, ejicitur; et quandocunque hâc viâ evadere conatur, exitum facilior ^{erit} reddi, ope chirurgiæ, debet.

Gangræna, utcunque rara, in jecinore evenire potest. Hunc eventum éxitialem indicant, cessatio doloris subita, ictus arteriarum celeres, parvi, intermittentes; partium corporis extremarum algor pallorque; sudores, circa pectus et frontem, gelidi, viscidi; singultus, fæcum et urinæ involuntaria emissio; totius corporis languor; tendinum subsultus; delirium mite.

Nec inter terminos hepatitidis omittendus est schirrus. Quando autem adest, nisi solutus erit, sæpe malum hydropicum parit, aut tandem in abscessus abiens, ægrum extinguit.

INSPECTIO CADAVERUM.

ABDOMINIBUS hoc morbo extinctorum aperitis, varia in casibus diversis observata sunt. In nonnullis pars externa jecoris ferè sana visa est; at septo transverso adhærens, et inciso jecore, abscessus cernitur ingens, pure repletus, cuius pars iter in pulmones confecerat, eorum substantia plūs minūsve consumpta. In exemplis aliis, adhæsiones jecur inter et ventriculum vel intestina reperiuntur, quas in cavitates, materia purulenta viam sibi fecerat. In quibusdam plures abscessus, aut pure pleni, aut qui pus suum per varias vias effuderant, inveniuntur. In aliis abscessus nullus, superficies jecinoris gangrænosa et livida.

vida *. Hepar haud raro durum admodum reperitur, et in molem ingentem tumuit. GREGORIUS noster, in prælectionibus, jecoris ad tantam massam adauerti, ut libras octodecim cum dimidio penderet, meminit; alteriusque valde duri quod racemum referebat, et vix uncias viginti pondere æquabat.

* Vid. MORGAGN. de Sedibus Morborum.

CAUSÆ

CAUSÆ PRÆDISPONENTES.

HIC morbus, ut suprà dictum est, in plagis et tempestatibus calidis, multò magis quàm in frigidis accidit, atque in illis viros robusto corporis habitu, in vigore ætatis florentes præ aliis adoritur, tanto magis si, intemperantiæ et luxui dediti, quotidiè lautis epulis “ multo celebrant convivia Baccho.” In littore *Coromandelæ* in India, præ omnibus locis grassatur; ibique Europæos maximè invadit.

CAUSÆ

CAUSÆ OCCASIONALES.

CAUSÆ remotæ hunc morbum excitantes eædem ferè sunt quæ alias inflammations inducunt, quarum præcipue in hepar agentium hæ sunt.

1. Vis externa mechanica in ipsum hypochondrium dextrum ; et ut fertur, quod magis mirum est, vis capiti illata. Ictus in caput graves sæpe vomitionem provocant, bilemque ab hepate eliciunt, et hoc modo stimulum admovent, quo vasa hepatica acriter excitan-
tur.

2. Calor, potentissimus in natura stimulus et qui longissimè ac latissimè patet, nimis intensus in corporibus antea proclivibus hunc morbum sæpe excitare videtur. Huic capiti quoque effectus frigoris referimus, qui per-
quam

quam validi cognoscuntur, præsertim si frigus atque calor agunt alternis. Non nostri est rationem reddere, cur ex tam diversis, ut videantur, causis, idem effectus producitur; earum verò potentia multò certior confirmatur, quām de re facta moveantur lites.

3. Exercitatio quoque vel animi vel corporis violenta, hunc morbum induxisse fertur. Duplici modo nocere potest talis exercitatio: aut viribus corporis exhaustis, aut motu sanguinis præter modum aucto, unde pars quævis inflammationi opportuna hâc citò corripetur. Inter perturbationes animi, affectus excitantes, ut vocantur, vires maximas habent, quorum nullus irâ nocentior, præsertim hepati. Hic igitur affectus animi ferox, principium inflammationis hepaticæ observatur.

4. Intemperantia in cibo et potu, utique liguritio dapum conditarum immodica, pocula meri frequenter et largiter hausta, et præ omnibus

omnibus spirituum ardentium ingurgitatio a-
vida, fontes hujus mali non insueti fuerunt.

5. Morbi priores certi, inter quos concre-
tiones in jecoris substantia, febres intermit-
tentes remittentesque biliosæ, atque dysen-
teria recensentur, sæpe hepatitidi originem de-
derunt.

CAUSA PROXIMA.

Vix dubitari potest quin, jecore inflamma-
to, actio præter naturam intensa, et in exili-
bus arteriæ hepaticæ, et in venæ portarum
ramis fiat ; quoniam experimento minimè du-
bio a clariss. MONRONE tentato, constat, je-
core canis parumper aëri objecto, arteriâque
hepaticâ constrictâ, non multò post inflamma-
tione correptum fuisse illud viscus, et vicinis
partibus

partibus adhæsisse, ut ipse vidit. Hic even-
tus affectioni venæ portarum ramulis soli tri-
buendus est.

RATIO SIGNORUM.

Respiratio difficilis et *tussis*, quoties dia-
phragma aut pulmones patiuntur, molestæ
deveniunt; etiamque partibus hisce nihil pa-
tientibus, in hoc morbo multùm incommo-
di asserunt; propterea quod facie jecinoris
superiore musculis respirationi inservientibus
pressa, actiones eorum impedit, unde irritatio
pulmonis continua, tussim importunam mo-
vens.

Dolor ac tensio, ferè hypochondrio dextro
referuntur, quia lobus hepatis dexter, sæpius
quàm sinister afficitur, et aliquando etiam, ni
fallor, quum totum jecur patitur, quia mino-

rem habemus facultatem musculos obliquos abdominis validos relaxandi, quām rectos supra lobum sinistrum positos.

Difficultas et molestia in sinistro latere cubandi fit, quia pondus hepatis ligamenta inflammatæ tendit.

Vomitus oriri potest vel a ventriculo partim inflammatione affecto, vel a facie concava hepatis ventriculum premente, vel, quod sæpe accidere solet, a bile e duodeno in ventriculum assurgente, ibique irritante. Eadem ferè ratio reddenda est molesti singultūs qui sæpe in hoc morbo observatur.

Dolor ad claviculam et summum humeri dextri tendens, a quibusdam nexui et sympathiæ nervorum attributus fuit; ab aliis consensui partes ejusdem lateris pervadenti; ab aliis nexui qui, interventu septi transversi, hepar inter summumque thoracem intercedit.

DIAGNOSIS.

A PNEUMONIA dignosci hæc inflammatio potest, si observamus an sedes morbi, thoraci an hypochondrio inesse videatur; an tussis humida sit, an sicca; an decubitus in latere dolente, an in altero sit difficilior. Causæ remotæ quoque expendi debent, nam pneumonia sæpius in frigidis, hepatitis in calidis graffatur regionibus. Quinetiam si dolor ad jugulum et summum humeri tendit, vel si adsunt vomitus vel singultus diu permanens, haud dubitare licet quin inflammatio sit in jecinore sita. “Frequens singultus,” ait Celsus, “et “præter consuetudinem continuus, jecur in-“flammatum esse significat.”

A Gastride hunc morbum distinguere facilius possumus, quoniam in illa de dolore in hypochondrio

hypochondrio dextro, et ad summum humeri tendente nunquam queritur æger, at de ardore in epigastrio et dolore ingestis aucto, quæ signa comitatur pulsus frequens, exilis durusque, debilitas valdè notabilis et pyrexia typhodes.

Ab Enteritide etiam facilè secernitur; nam in illa dolor circa umbilicum torquet, et pulsus arteriarum pyrexiam typhodem indicant. A Colica quia in hac nulla pyrexiae signa observantur.

Rheumatismus si regionem hepaticam invadat, tractum muscularum plerumque doloribus torquet.

Dyspepsia nonnunquam pro hepatitide vetusta habita est, at facilè dignoscuntur, si animus attentè ad signa utriusque advertitur. Semper autem memoriâ tenendum est, quām ad questus, de sua valetudine fingeñdos, propensi sunt qui stomacho laborant.

PROGNOSIS.

PRÆVISIO eventū morbi, licet difficilis admodum, maximam meret attentionem, quippe quæ multū ad medelani confert, multūque ad medici nomen.

Attendendum est prius ad ægroti ætatem, temperiem, constitutionem, rationem vitæ antecedentem, morbosque prægressos, et ad causas, violentiam, durationemque morbi, quam prædicere quæ fausta vel infausta eventura sint, suscipiamus.

Quando valdè acutus est dolor, tussis sicca et molestissima, alvus insigniter adstricta, spiratio perdifficilis, præsertim comitante singultu, et magis si delirium accedit, terminacionem subitam et lethalem timere cogimur. Evacuationes quædam Criticæ vocatæ, putà ep-

staxis vel narium hæmorrhagia, sudor, urina copiosa et crassa, antea inter signa resolutionem comitantia memorata, ad notas bonum indicantes referendæ sunt.

Quando verò morbus, etiamsi lentè procedit, et, remediis sive prorsùs neglectis, sive infelicitè adhibitis, corpus marcidus ac debilis fit, atque febris hectica oritur, omen incertum, potiusque sinistrum habendum est, quia verisimillimum est hepar jam esse suppuratum: quo facto, plùs minùs periculi metuendum est pro parte quâ infederit, quam non semper detegere possumus.

Cum hepatitis vetustam depellere conamur, si non prælonga fuerit, semper ferè spem sanitatis restituendæ concipere fas est. Quòd si remedia apta negligantur, et æger intemperatè vivat, nihil est quod dubitemus quin cito tardiusve, morbus in formam acutam transeat, atque eum in vitæ discrimen inducat.

MEDENDI RATIO.

IN omni inflammatione acuta tractanda, medici est, ad exitum optatum, resolutionem, videlicet, morbum perducere, summopere eniti; et hoc proposito, artem ejus strenue ac prudenter adhibere.

In hepatitide acuta sananda, iisdem principiis generalibus, ac in aliis ejusdem ordinis morbis, medicus dirigi debet: igitur haec duo consilia medendi satis apta videntur.

1. Morbum ad resolutionem perducere, et sic ægrum tueri a periculo gangrænæ, aut schirri, aut suppurationis.
2. Symptomata gravissima lenire.

1. Ut inflammatio jecinoris resolvatur, oportet imprimis tollere diathesin phlogisticam, ut vocatur, generalem; quod fit regimine antiphlogistico, sanguinis missione, alvi purgatione,

tione, emplastris epispasticis, et medicamentis refrigerantibus.

Sanguis mittendus est maturè, largè et fæpè, si pulsus frequens, durusque, dolor, vomitus atque anxietas urgeant. Quantitas sanguinis mittendi varia esse debet, secundum ægri ætatem, consuetudiném et vires, et morbi vehementiam, et demum ipsius regionis temporem. Evacuatio sanguinis topica, cucurbitulis cruentis aut hirudinibus, supra locum dolentem admotis, minùs valent; at si mifionem sanguinis generalem non ferre potest æger, detractio localis haud omnino contemnenda. Memoriâ quoque tenere oportet, detractionem sanguinis multò magis prodesse in primis morbi diebus quàm postea; et interdum potiùs nocet in vetusto casu, aut in ultimis morbi gradibus.

Remedia alvum purgantia, quoque, vi cordis arteriarumque minuta, irritamentoque a fæcibus in intestinis collectis sublato, insigniter

ter profunt. Cathartica mitiora quæ alvum facile et leniter solvunt, primò tentanda sunt; ex quibus aptissima videntur infusio tamarinorum cum senna, tartris acidulus potassæ, sulphas sodæ, phosphas sodæ, oleum ricini, et cætera refrigerantia atque emollientia vocata. Si his adhibitis, non responderit alvus, ad acriora configendum, et præ cæteris ad muriatem hydrargyri mitem.

Epispastica vesicantia etiam inter utilissima sunt remedia. Applicanda in initio sunt per ampla supra partem affectam; et, ne stranguoram inducant, diluentia, oleosa, et demulcentia, liberè forbenda.

Refrigerantia demum medicamenta, quamvis jam recensitis minus efficacia, suos usus habent. Ex iis optima sunt, haustus salinus, vel citris potassæ, fructus acido-dulces, qui inflammationem et febrim minuunt, et sitim sedant.

Plurimis in casibus hæc remedia morbum tollunt; quin et aliud est medicamentum, hy-

drargyrus nempè, adeò validum ut ferè semper adhiberi mereatur, ne in schirrum, ad quem sæpe magna est proclivitas, desinat morbus.

Convenit plerumque, remediis jam memoratis, per duos vel tres dies adhibitis, hujus præstantissimi remedii usum præcipere, copiâ tantâ, ut suum effectum in ore quâm celerimè præstet. Præparata simplicissima cæteris anteponenda sunt; scilicet, pilulæ mercuriales communes, internè sumptæ; vel murias hydrargyri mitis, et demum unguentum hydrargyri fortius, in hypochondrium dextrum, partesque vicinas pérfricatum. Pergendum usu hydrargyri usque adeò, donec spiritus male oleat, et gingivæ tumere, rubere et dolere incipient. Hæc enim signa ostendunt medicamentum totum corpus pervasisse. Tunc intermittendum aliquantisper, ne salivatio nimia sit, sed non prorsus omittendum medicamentum, viginti saltem vel triginta diebus a

morbi

morbi initio. In hepatitide vetusta sananda diutius adhiberi debet mercurius, nimirum ad levem oris exulcerationem, per mensem vel septimanas sex; et si opus sit, hæc series iterum iterumque repeti potest. Semper autem in memoria teneat medicus, quām periculosos effectus præstet hæc medicina præter modum administrata.

2. Ad symptomata duriora levanda, varia utilia, sunt. Tussis opio cautè assumpto et mucilaginosis, lenienda; lateris verò dolor fotu externo, enematibusque emollientibus; diarrhœa, quando urget molesta, astringentibus, qualia sunt catechu, kino, temperanda; vigiliæ, statu inflammatorio devicto, opiatis sopiendæ.

In hepatitide Indica chronica, fertur diætam, generosam ex carne vegetabilibusque condimentis sapidis mistis, et merum multum juvare. Suspectum habere fas est, talem vitæ rationem multò sæpius damno quām bono fuisse.

Cœlum mutare, hepate laborantibus sæpe profuit. In plaga mitiore, efficacissima sæpe reperiuntur auxilia quæ sole sub ardente irrita fuere.

Morbo infeliciter in suppuratione desinente, rationem sanandi prorsus mutari debet. Nunc ad roborantia et stimulantia, qualia sunt corticem cinchonæ officinalis, et vīnum, confugendum est. Abscessus ita situs ut extrorsum pus ejicere moliatur, quamprimum scalpello apèndus, ne sibi viam in cavum abdominis faciat.

F I N I S.